

Estd : 1984

January 2012

RAMTHAR (Mission)



ramtharchanchinbu@gmail.com



Masihi Sangati Convention-a Baptisma changlai

Lalpa zahngaihna.....15

Editorial Board 2011

Editor	:	Upa Zoramthanga	9436362385 (M)
Joint Editors	:	Upa R. Lalmalsâwma	9436154179 (M)
		Upa Lalhriata	9863226630 (M)
News Editor	:	Pu Lalbiakênga Fânai	9436366234 (M)
Cir. Manager	:	R. Lalchhanhima	9891985750 (M)
Publisher	:	Rev. Lalchhuanmawia	2325899(O)

Member-te

Rev. Thangzauva	Synod Moderator
Upa D.P. Biakkhuma	Synod Secretary (Sr.)
Rev. Lalzuithanga	Executive Secretary i/c Mission
Rev. K. Lalhmuchhuaka	BEC member
Upa C. Malsawmkima	BEC member

Kum khat lak man Rs. 50/-

- * Ramthar chanchinbu lak man chu January 2012 ațangin Rs. 50/- a ni tawh ang.
- * Thu chhuah tûr chu phek lehlahm chauhvâ ziakin Editor emaw, Circulation Manager hnenah emaw, Ramthar, Synod Office, Aizâwl-796001, Mizoram, India hnenah thawh tûr.
- * Ramthar chanchinbua thu chhuahte hi a ziaktu mawhphurhna a ni.

A CHHUNGA THU AWMTE

1. Editor thuchang	3
2. Moderator kum thar thuchah	4
3. Keimahni	6
4. Chanchin lawrkhawm	7
5. In thawhrimna a thlawn lo	8
6. <i>Buh hmun ațangin</i>	
(1) Tawngtaipui tura ngenna (Assam Field)	9
(2) Kawl zinga rawngbawlna	10
(3) Lal Isua nen engkim a ropui	12
7. <i>Sermon:</i>	
a) Lal Isua leh Paula rawngbawlna	13
b) Lalpa zahngaihna	15
8. <i>Report dang :</i>	
a) Nepal khaw thlang lamah	17
b) Ramthar Hostel camping report	20
9. Ramthar Field tlawh report	22
10. Pu R. Laltholiana kan then ta	27
11. Ramthar tana thilpek petute	28
11. Ramthar Hostel-a awm turte hriattima	(back cover inside)

Editor thuchâng

*Lei mite hunbi chhiara kum thar January chu **Khuanu** zahngaihna avângin kan lo thleng leh ta reng mai. Ramthar chanchinbu chhiar thìn zawng zawngte leh hmun hrehawm taka Lalpa ram tizau tura mahni in lum pawh thlahlel thei lova ram chhûng leh pâwna thawktu missionary-te Lal Isua Krista hmingin kum thar chibai kan bûk a che u.*

Kan hriat angin kum 2011 chhûng khân kan rawngbâwlpui - Pastor, Missionary leh Lay Worker eng emaw zâtte chuan an rawngbâwl hna pawimawh tak mai chhünzawm ve thei tawh lovin, chatuana hahchâwl tawh tûrin ropuina ramah min hawsan tawh a. A rawng an bâwlsak Lal Isua hova an hlim dân tûrzia hrereng mah ila kan khua a har hle thung mai. An kalsan tâk an chhûngte he Kum tharah hian Lalpan thlamuanin hlimna pe mawlh rawh se.

Kan fel vâng leh thiam bik vâng ni hauh lova kum 2012 Kumthar min hruai thlengtu hian keimahni theuhah duh leh beisei a nei ngeiin a rinawm. Thlarau bote hruai haw tûra hun tha kan neih lai hian thahnem ngai zêl ang aw! Hun liam hnu thlir kir changin lungchhir rilru nâa kan rûm loh nân he Kum tharah hian Lal Isua ram tizau tûrin puan ven i han sawi chhing leh sauh sauh teh ang; kan thawh theih loh hun a lo thleng thuai dâwn si a.

Hna pawimawh thawk tûrin Pathianin kan nunna min zuahsak tih hriat a tûl. Nun chhan tûr tha kan mamawh ang bawkin thih chhan tûr tha kan mamawh. Krista vânga nun chhan ngam lote hian rei an daih ngai chuang lo. Krista vânga tuar hi taksa leh thlarau hlimna thurûk hlu ber chu a lo ni reng mai!

Lâwmthu Ramthar chanchinbu man petu Agent-te'n in rawn tiṭha hle a, kum tinin hma kan sâwn hret hret nia a lan avângin a lâwmawm hle. Sum kan dawn pawh a fel fai sâwtin Bank-a thleng ngai khawpa note hlui leh chhia a tlêm ta hle a, Agent-te hnênah Editorial Board-in lawmthu a sawi e. Ṭan i la tlâng zêl ang u.

Thupha chawina - Article thenkhat a lo luhna rei tawhte chhuah theih lawk loh an ni a. Pawi kan ti hle. Mahse kawng lehlamah Pathian malsawmna azarah article kan dawng hnem a, a indaih loh vang a ni e. Ziaktute hriatthiamna kan ngen e.

Kum thar thuchah**CHANCHIN ṬHA HRIL HNA HI***– Rev. Thangzauva, Moderator*

Pathian hruainain kum thar 2012 chu kan lo thleng leh ta a. Min hruai thlengtu Pathian chu fakin awm rawh se. Ramthar chanchinbu chhiartu zawng zawngte Pathian hmingin kum thar chibai ka buk a che u.

Mi tam takin he kum thar lawmawm tak hi an thlen ve tak lohna chhan chu, 'An sual vang a ni,' ti ila a dik lo vang. Keini chuan Kum thar kan thlenna chhan chu 'Kan that leh fel vâng a ni,' ti ila a dik bawh hek lo vang. A chhan eng nge ni ta ang le? A chhan sawi tur tam tak a awm thei ang. 'Ka nunah hian insiamthatna tur ka la ngah êm a, ka insiamthat theih nân Pathianin hun min la siamsak a ni,' a tih thei ang. Ṭangkai lehzuala Pathian rawng ka bawh theih nan Kum tharah hian hlankaiin ka awm a ni ti ila a dik hle bawh ang. Chung chu Pathian khawngaihna vang a ni.

Bible pum pui khaihawmna nia an sawi thin chu Thupuan 11:15 thu hi a ni a, chu chu - ***“Khawvêl ram chu kan Lalpa leh a Krista ram a lo ni ta, ani chuan chatuanin ro a rêl ang,”*** tih hi a ni. Khawvêl zawng zawng hi Lalpa ram a nih hma loh chuan thahnemngai taka a ram zauna tûra thawh zêl hi kan bat a ni. Chanchin Ṭha hi a hre lote hnênah an hriat hma loh chuan hril zêl tûr a ni. Mi zawng zawng hnena Pathian chhandamna thu hi hriattir tûr a ni.

Pathianin Joshua hnênah ***“Ram lah chu lâk tûr a la tam si a,”*** (Jos 13:1) a ti a. Kannan ramah Jehova ni lo - pathian dang bia an la tamzia a hmuh avangin hetiang hian a sawi a ni. Chutiang bawh chuan Lal Isua khân a zirtirte hnênah, ***“Buh seng tûr a tam hle si a,”*** (Mat. 9:37) tiin a sawi bawh. Heng aṭanga chiang takalang chu - 'Pathian leh a mi tirh, a Fapa Isua Krista hian khawvela ram din an ngai pawimawh ber a ni,' tih hi. Kan bul vêl, kan chhevêl ram hi han thlir ila, - Chhim leh Hmar, Chhak leh Thlangah hian sakhaw dang biaten min hual khup a, hna thawh tûr, Chanchin Ṭha hrilhna tûr a va tam tak êm! Joshua huna ram lâk tûr a tam hle ang khân, leh Lal Isuan, 'Buh seng tûr a tam,' a tih ang khan, khâng hun lai ang tho khan tunah pawh buh seng tur a la tam hle. A tam zâwk

mah emaw tih mai tur a ni. Chu hna thawk tur chuan Lalpan a mite a ko va, a tir a, a awmpui a, a thuam a, a tichak a, a thlamuan bawk thin.

Chanchin Tha hril hna hi Ringtute kovah nghah a ni. Israelte chu jentail-te tieng tura koh an ni ang khan (Isaia 49:6) Lal Isua zirtirte leh ringtute - Kohhrante hnenah chu rawngbawl hna chu thawk turin mawhphurhna pek a ni. Kohhran ho hnenah chuan vanram chabi pek a ni. Lei chungah engpawh a phuar apiang vanah phuar, a phelh apiang vanah phelh a ni ang (Mat. 16:19). Kohhran chu Krista thuhretu ni tura koh leh tirh a ni. Hmun hla leh hnaiah a tana martar huama thawk tura tirh a ni (Tirh. 1:8). He hna ropui tak hi thawk turin khawvel sorkar lian leh thiltitheh hnenah te, lal leh hotute hnenah te mawhphurhna a pe mai lo; Krista ringtu apiang hnenah pek a ni. Chanchin Tha hre lote hnena hril tur hian 'tuar, chan, thih' thlengin huam a ngai. He hna pawimawh tak hi Kohhranhoten i ngai pawimawh ber zel ang u. Chu chu ram chhung leh pawnah pawh kan chakna tur, kan himna tur. Kohhran thanna leh hlimna tur a ni si a. 'Chanchin Tha hril ngai pawimawh lo Kohhran chu Mission Field a ni nghal,' tih angin, kan hna pui ber thawk lova kan awm chuan kan tuiêk ang a, hman tlak lohva kan awm thui ang tih a hlauhawm - invên a ngai.

"Mahni, tawngtai, thilpekin Lal ram thar kan din zel ang,' tih angin, mahni ngei kal tura Pathian kohna hria chu kal ngei theih ni se a tha ber a. Tawngtai hi eng hun pawha missionary rawngbawl hna kan thawha, kan tanpui theihna awlsam ber, chung lam thuamna leh chakna koh thlakna hmanrua a ni a, kan ti thei vek. Bang lovin i tawngtai zel ang u. Thilpekin Lal ram din turin theihna kan nei. Kal chhuak thei lote kal ve theihna remchang, mi dang kea kan kal theihna hnar a ni. Hnam dang, tawng kan hriat ve lohte hnena Chanchin Tha kan hrilh theihna hmanrua a ni ih avangin i pe zel ang u, pekah Pathian i hnehbân thei lo vang - inchhir ahnêkin lâwmnain a umzui ang zel che.

Missionary-a kalte hi an va vannei tak êm! Lei leh vân Lalber hna thawktu, chhunzawmtu, tawngtaina tam tak dawngtu an ni. Pathian leh mihring duhsakna leh chawimawina dawngtu an ni. Chutih rualin thil tam tak chanin, hrehawm tuarin rawng an bawl a, mahse hêng an thawhrim leh hrehawm tuarna zawng zawng hi a

thlawn dawn lo. Missionary-te ka'n zawh duh chu, "Missionary-a thlan leh lâk i nih hlina i lawmna kha nge tûna i lâwmna kha sâng zawk? " tih hi. Kan Pastor senior-ten an sawi fo thîn chu, "Keimahni aiin kan rawngbawl hna hi a pawimawh zawk," tih hi a ni. Kan rawngbawlsaka leh kan rawngbawl hna hi keimahni aiin dah pawimawh reng ila, lâwmnain min ûmzui zel ang. Chuti ni lova, khawvel sum leh pai leh inchhek-arbawmna lam rilru kan put chuan, chu chuan kan missionary-na rilru kha a tichhia ang a, kan rawngbawlnain rah a chhuah lo vang a, kan kal chhan a hlawhtling lo vang.

Kum 2012 hian Lalpa tan thahnemngaihna thar - ram chhûng leh ram pâwna mite min siamsak sela, 'I pu lawmnaah lut rawh,' tiha kan awm theih nan thahnemngaihna thar nên Lalpa rawng i bâwl zêl ang u.

*"Thawk zêl la, i thawhah lâwm rawh,
Thawhrim chu chawlhna nuam a ni."*

KEIMAHNI

Thu lawmawm : (1) Pi Neiluazon-i lung chu 25.11.2011-ah a chhungkhat lainate leh Kohhran hruaitute'n Mission Veng Kohhran Ramthar Komiti-in ₹ 25,000/- an rawn pek hmangin phun a ni.

Transfer & Posting : Hna tûlna leh thil dang dang vânga transfer leh posting lo chhuakin kan dinhmun a sawi danglam leh ta suau suau mai a. Hna pangngai kalsana hna dang thawk te, Training te, awmhmun sawn hrim hrim te kan ni leh ta hlawm e.

Tawngtaipui ngai : (a) Transfer & Posting-a kal zawngte tan, chhiatna leh harsatna dang dang laka an him nan.

(b) Kan missionary zawng zawngte taksa, rilru leh thlarau hriselna i dipui ang u. Damlote pawh i tawngtaisak zel ang u.

(c) Assam rama Muslim zinga rawngbâwltute leh an ringtharte tan, harsatna bik tawh an awm mek a, an tân i dil ang u.

Chanchin Lawrkhawm

Nigeria ramah Kristian inkhawm lai silaia kah a ni

Nigeria rama buaina kal zelah Kaduna state chung Zonkwa khuua Kristiante inkhawm lai chu silai keng mi eng emaw zat rualin an pawng kah chiam a, hei vang hian Kristian 2 an thih bakah Kristian 11 dangin hliam an tuar a. Zonkwa khua hi nikum April thla atanga buaina chhuak tuar nasa ber zinga mi a ni.

He rama chi leh chi, sakhua leh sakhua inkara tharum thawhna thleng hian Kaduna state pawh a nghawng hle a. A mi chengte hi hnam hrang hrang an nih avangin politics, hnam hrang nihna leh sakhua thilah an inmihran hle avang hian sakhaw hrang hrangte chungah tharum thawhna a thlen chamchî avangin Kristiante chungah hetiang thil duhawm lo a thleng pawh hi a mi chengte tan chuan thil thar tehchiam a ni hauh lo. Nikum April thlaa he rama buaina chhuak avang khan Muslim Hausas leh Fulanis ho chu he state atang hian um chhuah an lo ni ve tawh bawh a ni. He thil thleng hian Kristiante a tithinur hle.

- *BBC News*

Kazakhstan sorkarin sakhua khuahkhrihna dan a siam thar

USSR kehdarh ta ram zinga pakhat, Kazakhstan sorkar chuan nikum October thla khan an sakhua khuarkhirhna tur dan 2 a siam thar a. An dan siam tharah chuan sorkara inziak lut tawh sakhua zawng zawng pawh sorkarah an inziak lut thar leh vek ang a, sakhaw thila pun khawm (inkhawm adt.) an duh pawhin sorkarah phalna an dil ang a, phalna an hmuh hunah chauh an pung khawm thei tawh dawn a ni. He dan hi sorkarin tihtakzeta a kengkawh dawn a nih chuan Kristiante pawh sorkarah an inziak lut vek ang a, phalna hmuh hnuah chauh an inkhawm thei dawn tihna a ni.

Kazakhstan sorkarin sakhuate khuahkhrihna tura dan a siam thar hi sakhaw thila inzawm khawm pawl leh tlawmngai pawl hrang hrangten an duh loh thu leh he dan thar hi mihring palzutna nia an hriat thu an sawi a. Democratic Institutions and Human Rights (ODIHR) hotu pakhat, Jens Eschenbacher chuan, “He dan siam thar hi sakhaw thila mi mal zalenna leh rinna khuahkhrih tumna a ni a, Kazakhstan ramah hian mihringin zalenna an nei dawn ta lo a

ni,” a ti hial a ni. An dan siam thar hi a khirhin naupang thleng khuahkhirhna dan a tel a ni

- *Forum 18 News & Mission Network News*

Maldives ram aṭangin Kristian zirtirtu thawn hawn a ni

Indian mi Kristian pakhat, Shijo Kakkattu (30) chu Maldives ram Raa Atool khuaa Raafainu School-ah kum hnih chhung zirtirtu hna a thawh hnuin Maldives ram police-ten a inah Bible an hmuh avangin leh a computer-a Kristian che vel thlâ a lâk a lo dah palh avangin Shijo Kakkattu hi an ram aṭangin nikum kum tawp khan an thawn hawng a. School-a Shijo Kakkattu thawhpui pakhat chuan Shijo Kakkattu-a’n an school computer-ah Kristian thuziak a dah chu hmuin National Administrative Center-ah a lo report a, a inah Kristian sakhaw thil dang an hmuh leh zel avangin an hreng ta a ni

Maldives rama Ministry of Islamic Affairs chuan nikum kum tawp lam khan *Protection of Religious Unity Act of 1994* an tih chu an tichhuak tharin, Islam sakhaw dodal thei zawnga hmalakna reng reng dodalin, chutianga hmalatute chu kum 5 thleng tan inah khung te, pawn lama chhuak thei lova ina kharkhip tlat te leh dan an bawhchhiat azirin thih thlenga an chungthu ngaihtuah theih a ni a; Kakkattu ang bawh hian ram dang mi, he rama sakhaw dang thehdarh tuma an puhte chu an thawn hâwng hmiah hmiah zel bawh a ni.

- *Compass Direct News & Minivan News*

North Korea tan South Korea Kristian-te an inhuam

South Korea ram khawpui Seoul-a kohhran lian ber, Manmin Central Church enkawltu Pastor, Dr. Jaerock Lee chuan a kohhranah an thenawm North Korea ramah Pathian thu hril theihna hun remchang inhawng se chuan martar hial tur pawhin North Korea ramah hian Krista Chanchin Tha hril tura kal inhuam thahnem tak an awm tih kum 29 an tlin an lawm tumin a sawi.

“China ram hian North Korea hi kawng tinrengah a hum tlat a ni. Chanchin Tha hrilna hun remchang a inhawn veleha lut nghal thei turin an kohhran mi thahnem tak chu zirtirna pek reng an ni. Manmin Central Church-ah hian member 1,00,000 vel awmin khawvel pumah branch church 9,000 an nei bawh, kum 1982-a din a nih lai chuan member 13 chauh an awm.

- *Worthy News*

Buh hmun atangin

TAWNGTAIPUI TURA NGENNA

– *Rev. K.Lalrinmawia*

Field Secretary, Assam Field

Rawngbawlpui duh takte,

Kan Lalpa Isua Krista hmingin chibai ka buk a che.

Nikum (2010)-a Assam Field, Morigaon district-a kan ringtharte harsatna tawh ang kha hei kan tawh leh mek a. Kohhran hote tawngtaisakna kan mamawh hle mai a; a theih anga min lo puanzarsak theih chuan kan lawm ngawt ang.

Kum 2010 August thla vela Bhuibaripam, Morigaon District-a ringtharten an khawtlang endawng an tuar kha tûn thleng hian reh fel tak tak chu a la awm lo va. Mahse, ringtharten baptisma an chan thu ualau taka an puan lêm loh avâng leh Kohhranho tawngtaisakna avangin tlema boruak thawl deuh chin kha a awm a. Mahse, heng Muslim atanga Kristiana inlet te hian kristianna thahnemngai taka Chanchin Tha an thehdarh si avangin inthup hleih theih a ni ta lova. October thla atang tawh khan mahni in chhuahsan ngam lo khawpin khawtlangin an rikrap leh tawh a. Ei leh in lak a harsa a. Abul Kalam pheih chu leilet tha tak nei a ni chungin a buh seng pawh a ngaihsak thei ta lo. Nurul Houg pawh Abul Kalam hian a rukin ei tur a pe zeuh zeuh ringawt tawh bawh.

He mite pahnih hi nikum lama harsatna tawh tawhte kha an ni.

He district chhunga mi tho Buragaon-a awm thin Jiarul Houg chu September thla khan an khawtlang leh chhungkuain an hnawtchhuak a. A nupui fanaute chu a chhuahsan mai a. Jiarul Houg hi engemaw chen Field hqrs-in an enkawl chungin Chanchin Tha hrilin a vak chhuak thin bawh a. A kal velna thingtlang khaw te, in 18 chauh awmna Sonapur-ah a tlangtla phian a, khaw hotu (Gaubura) pawhin Chanchin Tha chu a ngaihven ve ta bawh. Hetih lai hian a nupui leh an fate zawk (kum 2 mi vel) chu an inpuia hmuhsitna tuar zo lovin an pa, Krista avanga lu nghahna nei lo chu an rawn fin leh ta nghal a. Puanthuah lum pawh nei lovin kut ruakin an rawn chhuak a. Tunah hian Sonapur-a in te tak

te ruakah an invawm lut ve ta rawih mai. Helai hmun hi Field Secretary leh Pastor leh Tirhkoh pakhatin an va tlawh chhuak tawh nghe nghe.

Bhuiabaripam-a awm Abul Kalam leh Nurul Houg-te hi sum leh paia puih theih pawh ni lo khawpin tlawh pawh an rem lo

va. An Mobile Phone Recharge pawh harsa ti khawpin an tawmim mek. ‘Kohhranhovin min lo tawngtaisak ngawt mai rawh u,’ tiin min au mek a ni. Kan tawngtaisakna chauh lo chu beisei dang an nei thei lo. Kohhranhoven ngawrh takin i tawngtaisak zel ang u.

KAWL ZINGA RAWNGBAWLNA

– Evan Kâpchungnunga, Secretary
Kâwl Fellowship, Dawrpui

1. **A lo inṭan dân** : Kum 1989 aṭang vêl khân Bethlehem Vênga Pu S.zoliana te, Upa Rohlira leh Pathian ram tâna mi ṭhahnemngaiten an vêng chhûnga Kâwl puantahte hnênah Chanchin Ṭha an hrilh ṭhinna chu Pathianin malsâwmin, rei lote chhûngin Kâwl ringtu an nei nual ta mai a. Pu S. Zoliana (L) inah inkhâwmna buatsaihin Kâwl Kristian Service Committee pawh Aug. 6 1989-ah an lo din a. Chu Committee chuan Kâwl zinga rawngbawlna chu Synod Mission Board hnuaia awm ve tûrin an va thlen a. Mission Board chuan ṭha a lo tih avângin 21-9-1989-ah committee a dinsak a, a hmingah pawh “Kâwl Kristian Fellowship” tih a ni ta a. Synod Conference Hall-ah inkhâwmna a buatsaihsak a, chutah chuan kum 5 vêl an inkhâwm nghe nghe ni.

2. **Dawrpui Kohhranah** : Kum 1966-ah Mission Board chuan Kâwl zinga rawngbawlna chu Dawrpui Kohhranin chanvoa lo la turin a rawn a. Dawrpui Kohhran Komiti chuan a remti a. Kum 1996 May thla aṭang khan biak in inkhawmna hmun tur leh a tul dangte buatsaihsakin

he rawngbawlna hi bul a lo ṭan ve leh ta a. Kawl Fellowship ranwgrawlto atan pawh Pu Kapchungnunga chu a ruai nghal ta a (Ani hian vaviin thlengin a la thawk a ni). Mission Board aṭanga rawngbawlto a rawn chhawm Pu C. Keingura chu vanduaithlak takin 25-11-1998-ah a boral ta hlauh mai a.A aiah

Upa Kilkhara chu lak a ni leh ta nghe nghe a (Ani pawh hi vawiin thlengin a la thawk).

Dawrpui Kohhranah chauh Kawl Fellowship a awm hun kum 12 chhung hian Kohhran chuan kum tin Camping leh Crusade-te a buatsaih chho reng a. Kawl Kristian an lo pung ve zel a, kum 2010 a lo thlen chuan ringthar baptisma chang mi 230 lai an lo awm ta a, a lawmawm hle.

3. **A lo darh zau zêl a :** A darh zau zêl a, kum 2008 atang khâ chuan Zuangtui Kohhranah pawh Kâwl Fellowship a lo ding ve ta a. Kum 2009-ah Ramthar Kohhran pawhin Kâwl Evangelist ruaiin Kâwl mite tâna rawngbâwlina an kalpui ve leh a, member pawh 30 vêl an ni ve tawh. Tûnah hian vêng hrang hranga kâwl Kristiante hian thawhhona tha tak kan neih theih beiseiin Combine Service Committee din a ni a. He komiti kaihhruaina hian thla 4 dan zelah Combine Service hun kan hmang thin a, kan hlim thei hle a ni.

4. **Beiseina kâwl êng :** Chutichuan, Aizawl huam chhunga Kâwl zinga rawngbawlna chu kum 22 lai a lo ni ve ta a. Kohhran mal anga

hma lakna bak chu hmuh tur a la awm meuh lo a. Tun hnai mai, June 2010 thla chhung khan Dawrpui Kohhran chuan Myanmar-a mi Speaker sawm meuhin Aizawla Kawl mite tan camping hautak tham tak Durtlangah a buatsaih a, camper pawh 240 lai an tling. He camp-ah hian mi 13-in baptisma an chang a ni. Tun kum 2011 hian Ramhlun Kohhranah riak lut meuhin camping an buatsaih leh a, mi 300 chuang lai an lo kal thei a. Dawrpui Kohhran pawhin an lo buatsaih ve baw k a.

Kohhran kal tlanga Pathian hnathawh lo lang mek en hian Kawl mite tana rawngbawlna atan hian BEISEINA KAWL A ENG chho tan niin a lang a, engtin nge kan bawh zui zel ang le? Aizawl khaw chhungah hian Kawl Buddhist sakhaw bia mi 1000 aia tlem lo an awm reng niin chhut a ni a. Handloom hi a awm chhung chuan an awm reng dawn niin a lang baw k. Ramthim, hnai têah a rawn inhûng ta a tih theih awm e. Hetiang a nih chuan kan inngahna ber leh bul lo tantu Synod Mission Board hian ruahmanna tha tak a neih ngei a beiseiawm ta hle mai!

LAL ISUA NEN ENKIM A ROPUI

– Rev. Zosaphara
Jharkhand

Kum a lo vei leh ta der mai. Kan buhmun pawh Pathian zarah kan zauh ve thei zel e. Zoram Kohhrante ṭawngṭai leh thilpek hmangin Pathianin hna a la thawk reng tih a Chiang Hle. Kan Field-a lo lang tlem han tar lang ila. Kan Field rawng bawl dan pawh kan hre nual tawh awm e. Fellowship-te anmahni thenawmah laltin te khaiin campaign-in an chhuak a, Bialin a inkawp tur fellowship-te siamin an fehchhuak bawh a. Gospel Team an fehchhuak reng bawh a. Chung an thawh theihna tura, Pathian hnena ṭawngṭaia min dilpui reng ṭhin Kohhranhote chungah kan lawm hle a ni. Kumin January atanga July thla chhungin Fellowship 10 lai mai kan hawn belh thei ta, Field pumah member 3,700 kan chuang ve ta der mai. Pathian hnenah lawmthu awm sela. Hengte hi Fellowship tharte chu *Ashna, Kurwa, Jamtara, Soharpara, Jarmundi, Jhilimili, Birespur, Jaruadi, Pilniban*, leh *Dhandbad* te an ni. Kohhranhote hma an sawn zel theih nan i ṭawngṭaipui zel ang u.

Heng kan hawn thar Soharpur-a khuua pa pakhat thusawi chām reng chu, baptisma chang tawh a ni a, an vengah inkhawmna mumal a awmlah avangin, ‘Lalpa, inkhawmpui tur ka neih theih hma chu ka khabe hmuh hi ka met dawn lo’, a ti a, a khabe hmuh pawh a sei viau mai. Inkhawm hranga, fellowship ding mai tur an ni tih a hriat chuan; ‘Tunah chuan ka khabe hmuh ka met thei ta, Pathian hnena ka dil ṭhin a hlawhtling ta,’ tiin a lawmzia a sawi mawlh mawlh mai a ni.

Fellowship kan hawnna pakhat phui chuan Lalpa Zanriah Sacrament buatsaih nghal kan duh si, no leh thlang a lo remchang si lo, tray pangngai leh cocola bur chhin no atana hmangin kan hung far mai. Bottle chhin mai mah ni se Pathian ropuina a lang, ni danga inkhawm ngai lohna, Sacrament la kil ngai lohna hmunah buatsaih a ni kha inkhawmte thinlungah Pathianin thu a sawi a, hlum takin kan zai a, boruak a zangkhaiin a nuam em em a ni. Lal Isua nen chuan engkim hi a lo ropui a ni.

Sermon

LAL ISUA LEH PAULA-TE RAWNGBAWLNA

*- Upa Zarzokima Khiantge
Shillong - 21*

Lal Isua leh Tirhkoh Paula-te hian thingtlâng lam ai chuan khawpui lam hi Chanchin Ṭha theh darh nân an hmang zêl niin a lanmg a. A khaw tlawhte pawh khatih laia khaw pawimawhna nei tak tak zêl niin a lang bawk. A thlanna chhan ni âwma langte tawi tîn i han chhui teh ang:

1. Khatih laia an ṭawng tual lêng - Greek ṭawng kha a thiam avângin mi chi hrang hrangte a dâwr thei a, hei hian a rawngbâwlina a tiawlsam a, remchanna tam tak pawh a pe bawk.
2. Ngaihdân tharte leh tihdân tharte a pawm thiam a, a hrethiam bawk. Khawpuiah chuan tihdân thar leh chin dân tharte a lo piang zêl a, hêng thil thar lo thleng ṭhinte hi Paula hian a ei pha zêl niin a lang. Khawpuia chêngte tân pawh Paula hi a ‘Ṭhing’ bik lo a ni. Ṭhangtharte nun pawh Paula thu ken hian a ûmpa zêl a ni.
3. Khawpui chuan khaw dangte leh ram dangte awlsam taka inkalpawh theihna a lo nei a, insumdâwn tawwna te pawh ṭha tak a lo neih theih a, inpawhna hmun ṭha tak a la nih avângin Chanchin Ṭha theh darh nân pawh a remchâng zual bik a ni.
4. Khawpuiah chuan mi chi hrang hrangte leh hnam chi hrang hrang te, culture hrang hrang neite khawsa an ni a, chuvâng chuan awlsam tîn hnam chi hrang hrangte leh mi chi hrang hrangte hnênah Chanchin Ṭha hrilh a awlsam bik a ni.
5. Khawpuiah chuan sakhaw hrang hrang betu pawh an lo tam nge nge a, hei hian Kristiante biak Pathian chungnunia pawh tihlanna remchâng tak a siam thei bawk a ni.
6. Sawihona (dialogue) pawh Paula hian a buatsaih bawk. Ephesi khuua Turana zirtirna inah kum 2 chhûng ngawt a buatsaih a ni. (Tirh. 19:8-10). Tirhkoh Paula pheih chu a rawngbâwlina mahni intodelh a ni a. Puan in siama sumdâwnna ṭha tak a nei a, chuvâng chuan sumdâwnng chi hrang hrangte nêh pawh inpawhna ṭha tak nei a nih avângin sumdâwnng chi

hrang hrangte hnênah pawh Chanchin Ṭha theh darhna remchâng tak a nei a ni.

Tin, hei bakah hian Paula chu dan hremi a nih bawk avângin a huaissen thei a, rorêltute hmaah a zâm loh phah bawk a. Tin, dikna (justice) pawh a ngiat ngam bawk a ni. Dikna (justice) a ngiat avângin Rom khawpui pawh a thlen phah a ni.

Engpawh ni sela, Tirhkoh Paula anga khawpuia rawngbâwl thei tûr chuan hêngte hi a ngai ngei ang:-

- (i) Lehkhathiam, Hindi leh English thiam, thu pawh sawi thei. Hindi thiam loh pawhin Saptawng tal thiam.
- (ii) Rilru zau, mi chi hrang hrang dâwr thiam leh pawh ve pha, Ṭhangthar rilru ûmpha.
- (iii) Hnam dang sakhua leh culture zûlzuia thu sawi thiam
- (iv) Mi inchhiar zau mi.

Paula hian mipui hnênah emaw, rorêltu Dân hriate hnênah emaw, mi lian leh lalho hnênah te thu a sawi emaw, a thusawi thupui leh a sawi dân chu fel takin, mi tin hriatfiah theih tûr zâwngin a sawi ṭhin a ni. Atheni khuua Grik mi fîngte leh ṭhil chhût peihho zinga a thu sawinaah chuan **‘Hriat loh**

Pathian tân’ tih tlawhchhanin Pathian nung a kawhhamuh a. An culture leh an rin dân hre rânin thu a sawi a ni. Mi 2 ringtuah a siam nghe nghe a ni.

Paula rawngbâwl na hian mite thlarau nun mai ni lovin, an ei leh bâr zawnna (economic) lam pawh a tinghing a ni. Tûn lai hian Tirhkoh Paula hi la awm ve ta sela, khawpuia rawngbâwl na hi a sawimawi a rinawm hle a ni.

Lal Isua rawngbâwl na : Lal Isua hun lai hian Palestina-ah hian mihring maktaduai 2:5-3 awmin an chhût a, chu pawh chu khawpui vêlah deuh zêl niin an sawi. Jerusalem-ah 55,000 aṭanga 99,000 mihring khawsain an sawi bawk. Joseph-a kum zabi khatnaa Juda mi chanchin ziaktu chuan maktaduai 3 vêl khawsain a sawi a, Talmud ve thung chuan maktaduai 12 niin a sawi ve thung.

Lal Isua hian khawpui lam a âwn deuh zêl niin a lang. (Mat. 4:35; 11:1; Lk 4:43; 13:22). Jerusalem hi kum khatah vawi 3 a tlawh ziahin an sawi bawk. Mi chi hrang hrang, hmeichhia, sipai, sakhaw hruaitute, mi hausa, jentail, nawhchizuar, kutdawhte leh mi retheite a pâwl ṭhin.

A zirtirte pawh rawngbâwl tûra a tirh chhuah khân khawpuiah a tir a ni (Mat. 10:5-14; I Kor. 10:1, 8-16). Chutiang chuan Rom ramah pawh Chanchin Tha a darh ta a ni. Tirhkohte pawh khân an chhunzawm ta zêl niin a lang.

Rei lo têah khawpui 40 vêlah Tirhkohte hun laiah Zirtirten insawnghehna pawimawh tak an lo din thei ta a ni (Tirh. 11-22). Eng tikah nge kan Ramthar rawngbâwlina hian phai lama hnam tha inti, neinung zawk leh thiamna sang zawkte zing hi a thlen ve ang le?

LALPA ZAHNGAIHNA

(Tah Hla 3:22)

– H. Laldanmawia

Adama leh Evi bawhchhiatna avanga chatuana boral tur te, Pathian hmangaihna chuan a zahngaihna nasa tak kan chungah a lantir a, a Fapa mal neih chhun pawh ui loin chatuan nunna kan neih nan kross ah mualpho tak leh rawng takin kan sualte tlenfai nan minrawn pe a. Pathian zahngaihna ropui tak kan chan avang hian enge kan tih tur chu ni ta ang le?

Thilpek hmanga rawngbaw l tura koh kan ni. Mat.5:22-ah “Lawm ulangin nasa takin hlim rawh u, vanah in lawmman a awm hnem si a” tih kan hmu a. A lawmman min pek tur kan chan theih nan Lalpan sum hmanga rawngbawlna remchang min siamsak thin a, ro tak Lal Isua kan hmuh theih nan rawngbawlna kawng min hawnsak thin a ni. I sum tam ber i senna kha chatuan nun thleng tur thil te a ni em? Tunah khan Pawisa engzat nge i neih? Ni

hnih/khat hnuah chuan a awmna i hre tawh lo mai thei, kan kuta sum leh pai awm chhung hi a rei lo khawp mai. Chutih lai chuan Thlarau Boral mekten nun an lo neih ve nan hman tangkai nachang hre ve ta ila Lalpa hi a va lawm dawn em!

Thlarau boral tur ten Nun an lo neih ve nan i sum eng zat nge i sen ve tawh le? (Lk.6:38 - “Pe rawh u, tichuan pekin in awm ang, thahnemngai taka teha, beng muka, liam zawih zawhin, in mal chungah an pe

ang che u.) I sum ₹ 10 lek pawh i han thawh hian missionary a kal duhte tan kal chhuah ve theihna remchang i siamsak mai ni lovin, boral mekten chatuan nunna neih nan an lo hmang thin. Lalpa zahngaihna kan dawn avang hian thilpek hmanga rawngbawl tur kan ni tih i hre thar leh ang u.

Ṭawngṭaina hmanga rawngbawl tura koh kan ni (1 Thes. 5:17). “Bang lovin ṭawngṭai ula” tih kan hmu a. Thilpek theh chhuah tur kan nei remchang ngang lo a nih pawhin ṭawngṭaina theh chhuah tur neilo khawp a rethei chu kan ni em lo ang chu maw? Tangka sum neih loh ringawt chu Lalpa hmaah chhuanlam ṭha a tling dawn lo a ni. Vawinah hian mi dangin an ngaihthaha an chawlsan a nih pawn nang tal chuan i ṭawngṭaisak dawn lawm ni? I lo ngaihthah ve mai a nih chuan naktukah chuan i chhandam phak lohvah a lo awm mai thei asin.

Rom10:1 - “Unaute u, ka thinlung duh zawng leh anni tana Pathian hnena ka ṭawngṭaina chhan ber hi chhandama an lo awm theihna tur a ni.” I ṭawngṭai avanga chhandamna huanga lut ten lawmthu an la hrilh ang che. Beramno huanga

i khungte chu i lallukhum ti mawitu an lo ni ang. I ṭawngṭai avanga chatuan Nunna chang ten, ‘En teh hei, ṭahnemngai taka min ṭawngṭaisak ṭhin avang khan he hmangaihna khawpui hi kan lo thleng ve thei ta a nih hi,’ tia lawmthu an hrilh hun che chuan “Bawih tha leh rinawm, i ti ṭha e, tlem te chungah i rinawm a, tam tak chungah ka awm tir ang che; i pu lawmnaah lut rawh,” tiin van khawpuih khian an la lawm lut dawn che a ni. Unau duh tak, Lalpa zahngaihna i chan lai hian Van khawpuia lawm luh i nih ngei theih nan ṭawngṭaina hmanga i rawngbawl na kha chhunzawm zel ang che.

Mahni ngei kala rawngbawl tura koh kan ni. Jer.1:7 “Ka naupang ti suh, ka tirhna che apiang hnenah i kal ang a, Thu ka pek che apiang i sawi tur a ni.” Mahni ngei kal tura koh/tirh kan nih chuan thilpek leh ṭawngṭai ringawt chuan kan tlak thei hauh lo vang. Midangte an dam theih nan, natna tuar tura Lalpa koh kan nih si chuan sawi tur kan nei miah lo. Mi an lum laia vawt tuar turin, Mi an puar laia rilṭam turin, mi an hausak laia rethei turin Lalpa a ko che a ni

ti hria ang che. Lalpa hminga
tuar ngam an awm loh chuan mi
dangte an dam thei dawn si lo.
Thi mekte chhanchhuak tur
chuan an mahni hmun ngeia
luhchilh a ngai si a. Ramthim
ram rova thi mekte hi thi tlak
an ni em? (I Kor.9:16-ah
“Chanchin Tha hril mah ila,
chhuan tur reng ka nei si lo, tih
makmawh ka chungah a inngat
si a; Chanchin Tha hril suh ila,
ka chung a pik dawn si.”

Khaw pakhata Lal Isua
chanchin kan hrilhnaah chuan ti
hian zawhna min zawt a -“Tu
nge Isua Krista in tih hi, Eng
PARTY nge a nih?” an ti a nih
chu! An zawhna hian ka riru a
tinain ka tap hial a ni. Heng mite
hi nang leh kei ang thovin Lalpan

a hmangaih asin. An chhan-
damtu hre lovin, ‘Eng Party
nge?’ an ti si! Chatuan Nunna
an lo neih ve nan an hnenah kala
Lal Isua chanchin hrilh turin
Lalpa zahngaihna kan chan lai
hian i inbuatsaih ang u.

Lalpa zahngaihna kan chan
avanga kan tih ve tur te ngun
takin i ngaituah ang u. Tirhkoh
Paula chuan, “Keini zawng
Pathian hnathawhpuite kan ni si
a,” a ti a. Jona anga tlanche
lovin, hmangaihna tel lova thawk
ni lovin, hmangaihna tel ngeiin
Lalpa tan a zahngaihna kan chan
avang hian amah hre lo ten Nun
an lo neih ve nan tawngtaina
te, thilpek te leh keimahni ngei
kal chhuak a rawngbawl turin i
inbuatsaih ang u.

Report dang

NEPAL KHAWTHLANG LAMAH CHANCHIN THA HRIL BEIHPI (CRUSADE) NEIH A NI

– Rev. R. Lalrinliana
Bharatpur, Nepal

Kum tam tak chhung sakhaw dangten hmun an chan lohna
ram, Hindu Lalram awmchhun tia an sawi fo thin Nepal ramah
ngei Chanchin Thain hmun thuk tak a luah chho ve ta hi a va
lawmawm tak em. Tun hma chuan biak inah te an inkhawm lai
luhchilhin pawisate an dil thin a, thenkhatin sawisak leh tihduhdah
an tuar a, Chanchin Tha hi mite hmuha hril ngam a ni lo. Mahse

tunah Nepal ram chu sakhaw zalenna ram a lo ni chho ta a. Tunah chuan Kristianten Chanchin Tha hrilh darhna kawngah harsatna sawi tur kan nei ta lem lo a tih theih awm e.

Kan Synod rawngbawlina pawhin hma a sawn zel a. 24.03.2000 khan Nepal Mission Field hi hawn a ni a, Field naupang tak a ni chung hian Pathian malsawmnain a thawh rah hmuh tur tam tak a awm ve ta. Tunah hian bial 6 awmin heng bial hrang hrangte hian mahni tawkah theihtawp chhuahin tan kan la hlawn a. Bial thenkhat Himalaya tlang lamah Chanchin Tha hrila an lawn chhoh tiah tiah laiin phai lama awmte chu phai khawlum lam panin kan liam thla vet vet thung. Nepal ram hi vurin a tuam vel ram emaw tia kan lo suangtuah thin ang kha a lo ni lo tawp mai.

A ram mite hi Hindu sakhaw vuantute an ni tlangpui a, Buddhist sakhuain an dawt a. Sakhaw dangte chu sawi tham vak an awm lo. Nepal ramah hian mipui vaibelchhe 2 chuang awmin kum 2001 Chhiarpui (census) ah khan Kristiante hi 0.45% kan ni a, tunah hian 5%-ah kan kai chho ve ta. Krista

Chanchin Tha puangdarh tura luhchilh pawh a lo awm khawp mai. Chutiang taka a tulzia hria chuan Zarkawt kohhran Ramthar Comiittee chuan Nepal khawthlang lama crusade atan ₹ 40,000/- rawn tumin kumina project lists a kan dah Butwal Crusade chu an rawn chhang ta a. Tichuan tihtur tul leh pawimawh zawng zawng te tiin, Field Secretary Rev. C. Lalramchhana ruahmanna hnuaiah tluang tak leh hlawhtliang takin crusade hi neih a ni ta a ni.

He crusade hi Nepal khawthlang lama an khawpui pawimawh tak Butwal leh a bul lawka khaw pakhat Bankatti hmunah neih a ni. Crusade hmang tur hian Zarkawt Kohhran atangin Upa Zionpara hovin mi 5 lai mai an lo thawk chhuak thei a, bial chhung atangin mi 15 kan thawk chhuak thei baw. Tichuan mi 20-te chuan tluang takin crusade tawp ni 21st August thlengin harsatna awm lovin hlawhtling takin hun kan hmang thei a ni.

Ni 17th August 2011 zing chaw ei khamah Bharatpur atangin Butwal lam panin crusade turin kan chhuak a. Chawhnu dar 1:30 velah

Bankatti thlengin, hemi ni chawhnu dar 3 atangin Crusade chu kan tan ta a ni. Crusade hi hmun khatah nei mai lovin ni tin hmun hrang hrangah, hmun li laiah kan nei thei a ni. Zing lamah crusade kan neihna tur hmun panin group hrang hranga inthen darhin kan feh chhuak thin a, Bible tracts semin chumi nia kan programme neihnaa lo kal turin kan sawm thin.

Mizoram atanga Kan Upa hova lo kalte pawh hian tih than loh mah ni se, kea km 1 lai mai Bible tracts sema an han feh chhuak thin te kha a ropui hle mai. Tichuan, chawhma ll velah kan thlen in lamah kan haw khawm leh thin a, chaw eiin rei vak lo kan chawl a; tichuan, chawhnu dar 2 atangin kan programme neihna tur hmun pan chuan kan chhuak thin a. Mipui awm khawm tamna lai leh hmun lun laiah Pathian thuchah chu khawlaiah mike hmangin kan puang chhuak ta thin a ni. Heng hmuna thusawi tur hian speaker sawm bik kan nei lem lo a.

Kan Native Worker palite, Pute - Narain P. Sharma, Chandra K.C., Kisan Thapa leh Baburam Lamsal-te speaker-ah hmangin annin thuchah nung tak

an puang thin a ni. Pathian thuchah puanchhuahna kan neih zawh hian Medical Free Clinic kan nei chhunzawm a. A ram mite pawhin Medical clinic hi an lo mamawh hle mai a. Kan Nurse pahnih ten zan dar 7 pelh rak thlengin, Torch Light hnuaiah an rawngbawlina hna an kalpui thin a, an fakawm hle. Clinic a inentir zawng zawng hi mi 360 chuang an ni. Zan khaw thim thet thet atangin Projector hmangin Kristian Film kan chhuah a, hei phei hi chu an hlut leh zual hle, mi 150/200 vel lai en turin an lo pung khawm thin a, Chutiang taka Chanchin Tha hriat chak an lo pung khawm han hmuh chuan rilru a khawih hle.

Thawktu indaih lohna avangin tunah hian kan thawktu Pu Chandra KC.a'n heng Butwal leh Bankatti hmuna rawngbawlina hi a vil a, thawh tur a tam si a, a in daih lo thin hle mai. He crusade hi a hlawhtling hle a, Crusade kan neih chung hian Kristian sakhaw zirtirna hre chiang duh leh Krista chanchin hre chak eng emaw zat kan hmuin kan kawm a, chumai ni lovin sakhaw danga beiseina nei tawh lote pawh kan kawm bawh. Crusade kan neihna hmuna mite hian

Chanchin Tha an hre chak em em mai hi a ropuiin a lawmawm hle a, crusade nei nawn leh ngei turin min ngen a ni.

Rei lo te hnuah Nepal khawthlang lamah hian ringtu eng emaw zat kan nei thei dawnin a lang a, rawngbawlina tur kawng pawh a inhawng tha hlein a lang. Tunah hian Nepal khawthlang tawp lam Nepalgunj lama ringtu tlem te awmte pawhin an hnena rangbawlina nei turin min ngen bawk a, engtik hunah emaw chuan Nepalgunj

lamah pawh crusade kan neih theih thuai kan beisei a ni. Tunah hian Aizawl Dinthar Kohhran Ramthar Committee, chuan Crusade neihna tur atan tiin ₹ 50,000/- an rawn tum leh dawn a, Nepal Khawthlang lamah hian nasa lehzuala Chanchin Tha beihpui hi thlak tumin tan kan la sauh sauh va. Krista tana buh seng tur a tam si a, kohhranhote'n theihtawp chhuaha awngtaina nena tan min lo lakpui ve turin kan ngen che u a ni.

SYNOD RAMTHAR HOSTEL CAMPING REPORT

– H. Thanchunga, Warden

A hun : Oct. 14-16, 2011
A hmun : Ramthar Hostel Devotion Hall
Speaker : Pu Ramdinsanga (Sentea)

1. Kum tir aṅanga ‘Engtikahnge, engtinngge, tute nge kan sawm ang?’ tia hun remchang melh reng chungin Synod Revival Team leh Tualchhung Eavngelist hrang hrangte kan dawr reng a. Mahse keimahni lam kan remchang thei mai lo va. Hosteller-te exam hun leh unit test neih hunte a inan loh avangin, camping hun hi kan nei thei lo mai awm mang e, tia kan inkhapthluk hman tawh hnuah, Pathianin Pu Sentea hmangin a chung a hun leh hmunah khian camping hun tawi tē chhungin, hlu leh ropui tak si, hlim takin kan hmang thei ta a.

2. Camp luh Zirtawpni (14-10-2011) zan dar 7 aṅanga ṭanin Pathianni zan dar 11-ah kan ṭiak a. A ṭan zan aṅanga a tawp

thlengin Speaker-in vawi 9 sermon a sawi hman a. Zakaia chungchang, **“I inah ka thleng tur a ni,”** tih thupui aṅanga

tanin, ‘**Lal Isua lo kal lehna.**’ in a chhunzawm a. A wawi thumnaah hmelmapha rimawiduh zawng chi hrang hrang leh a milem duh zawng chungchang, “In zalenna hum tha rawh u,” tih thupui hmanga chhunzawmin, **Khawngaihna, Pathian hmangaihna, Kraws - kan darthlalang, Kraws hnehna, Isua Krista thisen thiltihtheihna,** tih leh, ‘**I pianna ramah kir leh rawh,**’ tih hmang tein nung tak maiin a sawi a.

3. Pathian khawngaihna Hosteller-te chungah a lo lang a, naupang tam takin Lal Isua chhandamna an chang thar a, a chang tawhte pawh an harh thar bawk a. Taksa chetna chang tharte pawh eng emaw zat an awm bawk. A tawp Pathianni zanah phei chuan an vai lam hi a ni ta ber a. Tu mah inhaw hauh lova a khat tawka, “**Halleluiah Amen!**” tih thawmin Hall chhung a’n khawkrum rum rum thin chu a ropui takmeuh mai.

4. Kan sawi hmaih hauh loh tur thil ropui tak mai thleng chu hei hi a ni: Naupang piantharna leh harhtharna chang tharte zingah, an thawmhnaw hak laia **setanic thil**, milem mak pui pui leh sign hrang hrang, an t-shirt

leh thawmhnaw dang, skul kai iptê, bag, rawmawl, leh kekawrbula inchhu kai biai buai ang chite ngaihmarshan an chang a, ‘**Hluhlawn thil,**’ an ti a, chutiang kawl apiangte chuan an rawn la khawm a, ‘**Hal ral a ngai,**’ an ti a. Chu chu Pathianni zan lenkhawm banah Hostel Hall kawtah an thekhawm a, Counsellor zinga pakhat Pu David-a chuan Bible chang hmun hrang hrang atanga hluhlawn thil that lohzia chhiar chhuakin, Camp Director Pu C. Lalramliana’n meia dep tanin an hal ral ta a. A tirah eng thil thilte nge tih leh a mal mala chhiar na chang kan lo hre lo va, eng zat chiah nge tih kan sawi thei lo na a, tam tham tak chu a ni. T-Shirt ringawt pawh 100 dawn lai chu a ni ang. Hmeichhe naupang pakhat pawhin, “Ka t-shirt ringawt pawh 6 lai a tel,” a ti. Naupang 70 chuang an ni a, an hal mek lai pawhin an theh luh belh zel a, Warden-in Playing Card a mansak pawh an theh luh belh leh a, darkar khat chhingin a kang ral hman hram a ni.

5. Camping hun chhung hi a rei lo va, ni 2 leh zan 3 chauh a ni nain hemi hun chhunga Pathian hnathawh hi a ropui a, Speaker leh a rawngbawlpuite

hi Mission Vengthlang Kohhran
mi vek ni mah se, la inhre ngai
lo hlir kan ni a. Hosteller-ho hi
Zoram hmun hrang hrang, khaw
50 vel aṭanga lo kal khawm, la
inhmelhriatna tak tak pawh la
awm lo, hlim tak maia Lalpa

faka kan han lam ho mup mup
mai hian, khawvel lo la awm
tura van mipui chhiar sen lohte
nena Pathian kan fak ho hun tur
min thlirtir lo thei lo. **Lalpa chu
fakin awm rawh se. Halleluiah!**

Ramthar Field tlawh Report

A

1. **Field Hming** : Barak Area, Tlangram
2. **Khua/Mission/Centre** : Noxatila
3. **Tlawh hun chhung** : 21-24 April, 2011
4. **Tlawhtu Pawl hming** : Chhinga Vêngthlang Kohhran
5. **Kal zât** : Mipa 6, Hmeichhia 3. TT=9
6. **Tlawh chhan** : Gospel Crusade
7. **Senso zat** : ₹ 24,800/-

8. **Lawmawm lam** : (a) Crusade neih chhûngin mi pakhatin baptisma a chang. (b) Rampur lam aṭangin Ṭhalai mi 13 ten zaia rawngbâwlina an nei ṭhin a, hei hi ringlote koh khâwm nân leh an hnêna Pathian thu hrilna remchang leh ṭangkai tak a ni.

9. Lawmawm lo lam :

(a) Noxatila Kohhran hi kum 50 lai ni tawh mah se hma an sawn lo hle a. An dinna rei tawh aiin Kohhran inrelbawlnaah an puitling lo hle. (b) Noxatila khuaah hian Mizo ṭawng hmang, Hmar hnam pakhat - Saihriam leh hnam dang - Vai an inçhênpawlh a. Mizote hian hêng an chhehvêla hnam dangte zinga Pathian rawngbâwlina hi an thawk ngai meuh lo. (c) Noxatila hmuna Synod Mission Board hnuaia thawktute duhthusâmin an thawk ho ṭha tâwk lo niin a lang.

10. **Report ṭûl dang** : (a) He khuaa Synod Mission Board-in School din tuma hma a lak mêk hi tûn aia chak zâwka kalpui theih ni se a duhawm hle. (b) Tûnah hian Noxatila khuaa mi Songkar-a chuan Hindi Bible Skul, Bawngkawnah Bible a zir mêk a, ani hian June

thlaah a zir zo dawn a, a zawh hunah khu laia hnam dangte zinga rawngbâwl tûrin chhawr zui theih ni se a duhawm hle.

Report petu,
T. Lalramliana, Secy.
Chhing Vêngthlang Kohhran
Ramthar Committee

B

1. **Field Hming** : Tripura Mission Field
2. **Khua/Mission/Centre**: Noangang leh Gondaek South
3. **Tlawh hun chung** : Feb. 15-19, 2011
4. **Tlawhtu Pawl hming** : Tuikual North Kohhran
5. **Kal zât** : Mipa 21, Hmeichhia 4. TT = 25
6. **Tlawh chhan** : Work Camp
7. **Hnathawh & Thiltih** : Bethlehem English School dawhkân 19 leh thutthlêngsei 30 siam leh Biak in chung chih.
8. **Senso zat** : ₹ 41,492/-
9. **Lawmawm lam** : MST Bus (City Ride) pakhatin kan kal a. A hmunah thawktuten min lo dawngsawng tha hle a. Kan kal chhan ang takin hna kan thawk thei a, kan lâwm hle. Gondaek South lamah Biak in chung 30'X60' bial chih zawh vek hman a ni baw. Work Camp kalte inpêkna leh themthiamna a fakawm hle.
10. **Lawmawm lam** : Zân lamah thawktute nêen inpâwl hona hman thin a ni. Thlarau Thianghlim pâwlina changin hun hlimawm tak hman thin a ni. A zawnghhang thlâk hlein a hriat.

Report petu,
J.C. Zomuanthang, Secy.
Tuikual North Kohhran RT Com.

C

1. **Field Hming** : Home Mission South
2. **Mission/Centre** : Putlungasih, Zawlpui Bial
3. **Tlawh hun chung** : 21-23 Apruil - 2011
4. **Tlawhtu Pawl hming** : Maubaw Bial Kohhran Hmeichhia
5. **Kal zât** : Mipa 1, Hmeichhia 5. TT = 6

6. **Tlawh chhan** : Kum 2011-a Bial Hmeichhe Khâwmpuiin a rel angin kan Bial chhûng aṭanga Missionary kal chhuak zawng zawngte ṭanpui bâkah missionary pakhat chu a hmunah tlawh ni se tia a rêl angin Pu PC Zoremsiama, Putlungasiha awm chu tlawh a ni.

7. **Senso zat** : Kal man bakah ₹ 3,000/- ṭanpuina pêk a ni.

8. **Lawmawm lam** : Kohhran mite'n min lo dawngsawng ṭhain an fel hle mai. Kan missionary-te hnathawh a ropui. Kohhran mite leh sikul naupang an enkawlina a fakawm hle.

9. **Report ṭûl dang** : Bial Chairman Upa Lalramhluna hovin Bial Kohhran Hnmeichhe Committee member 5 kan kal a. Good Friday Programme hun pum min pe a. Buhfaithâm leh Kristian chhûngkaw din ṭûlzia te sawi hovin inkawmkhâwmna hun neih a ni.

Report petu,
Lalmangaihzuali, Secretary
Maubawk Bial

D

1. **Field Hming** : Tripura Mission Field, South Tripura
2. **Khua/Mission/Centre**: Karbuk Bial, Shri Kanto, Agartala
3. **Tlawh hun chhung** : April 21-24, 2011
4. **Tlawhtu pawl hming** : Hunthar Presbyterian Kohhran
5. **Kal zat** : Mipa-10, Hmeichhia 2. TT = 12
6. **Tlawh chhan** : Good Friday leh Easter Sunday hmanpui
7. **Senso zat** : ₹ 50,000/-

Kan kalna tûr hi a hlat tham avângin Pechartal-ah zân kan riak a. A tûk zing dar 6-ah chhuak lehin Kalkawngah Ambassa tlawhin thawktute nên thingpui kan inho va. Tuidu thlen hmain Chakmaghat kan tlawh bawk a. Tichuan, tlai dar 4:35-ah Karbuk chu kan thleng a. Zanriah min lo buatsaihsak a. Zânah inkhâwmna kan nei a, Upa T.Vanlawma'n thu a sawi a.

A tûk Good Friday chuan Sri Kanto panin kan kal leh a. He khuuah hian ringthar 90 vèl an awm a, Kraws Sipai Ramtonua,

Ramu-a tia koh chuan a lo awmchilh a. Biak in thar, anmahni kutkawih liau liau an lo nei a ni. Mi 30 vel kan inkhawm a, boruak a tha hle. Inkhawmah hian Pu Vanlallianan thu a sawi a. Kan lakah beiseina an nei sang hle a, damlo tawngtaisak tûr te, an fate Pathian hnena hlansak tur tein min ngen a, rilru a khawih hle. Kraws Sipai ramu chuan lawm thu sawi pahin kan tan min tawngtaisak a, rilru a khawih hle. Zannah Karbuk-ah kan kir leh a, Pu Lalhmingthanga'n thu a sawi a. Inkhawm banah inpawlhona hlimawm tak kan nei a, lawmawm kan ti hle.

Report petu,
Upa T. Vanlawma
Hunthar Presbyterian Kohhran

E

1. **Field Hming** : Home Mission South
2. **Mission/Centre** : Kaki Vêngthar
3. **Tlawh hun chhung** : May 23-28, 2011
4. **Tlawhtu pawl hming** : Zonuam Kohhran
5. **Kal zat** : Mipa 9
6. **Tlawh chhan** : Work Camp
7. **Hnathawh/Thiltih** : Biak in chhuat cement zût, pulpit leh maichâm siam leh Biak in hulhliap sak
8. **Senso zat** : ₹ 70,000/-
9. **Lawmawm lam** : He khua hi Presbyterian Kohhran chauh dinna a ni a, Kristian la ni lote pawhin Kohhran hma lâkna leh thiltihah an phûrpui tha hle.
10. **Report tûl dang** : Khaw chhûng mite tui chawina hi hla takah a awm a, chu chu pipe hmanga khaw chhûnga lâk luhsak an ni a, an lâwm khawp mai.

Report petu,
Lalherliana, Secretary
Zonuam Kohhran

F

1. **Field Hming** : Home Mission North
2. **Mission/Centre** : Zodin (Rajdali)
3. **Tlawh hun chhung** : July 18-21, 2011
4. **Tlawhtu pawl hming** : Thingsûl Tlângnuam
5. **Kal zât** : Mipa 12
6. **Tlawh chhan** : Thawktu Quaters sak
7. **Senso zat** : ₹ 11,450/- leh Secondhand bale 6 sak nân ₹ 2,01,120/- leh kalna senso ₹ 30,288.

8. **Lawmawm lam** : Kalna tûr motor Pu Lalthlamuana, Ramthar Vêng, Aizâwl chuan a motor, a tui man chauh tumin min hmantir a. Tin, haw lehna tûrin Têa, Meidum khuain man tlâwm zâwkin a motor min hmantir baw. Zodin hi motor kal theih lohna Meidum aṭanga Km 6-a hla a ni a, hmanraw thiar hautak êm êm mai chu kohhranin hnatlangin min thiarsak baw. Tin, zan tinin inkhawmna kan nei thei a, tlawhtuten hun kan inhman chhawk ṭhinin naupang an inkhawm ṭha thei hle.

9. **Lawmawm lo lam** : He hna kan thawh chhûng hian mi 2-in pum lam chiangkuan lohna an nei hlauh mai a, pawl kan ti hle. Tin, khaw lum leh vaihmitêin harsatna tlêm min siam baw.

10. **Report ṭûl dang** : Zodinah hian kan kohhran (Presbyterian) mi 26 vêl an awm ve a. Kohhran Upa nei lovin thawktu pakhatin a awp khâwm a, neitu tak tak an awm lohna hian Kohhranin hma a sâwn thei lo niin a lang. Branch Church-ah emaw tal chuan awm se hma an sâwn deuh kan ring. Tin, Gospel Camping neihsak theih atân an itawm hle.

Report petu,
T/Upa T.Lalchawiliana,
Secretary
Ramthar Committee.

PU R. LALTHOLIANA KAN THEN TA

Pu R. Laltholiana hi Pu Lalbawiha (L) leh Pi Lalzingi (L)-te fapa tlum ber dawttu niin 22-4-1962 kumah Isua thawhleh ni takin Khawhlailung khuaah a lo piang a. Pianpui unau 6 a nei a. September 13, 1989-ah Pi PC Lalmalsawmi nen inneiin fa 4, mipa 1 leh hmeichhia 3 an nei. Rawngbawla a chhuah hma pawh hian KTP leh YMA-ahle an khua, New Serchhipah chuan theih ang tawka inhmang ve thin a ni a, nihna pawimawh tak tak a chelh thin. College a zawh hnu hian Private Middle School-ah a thawk a.

He hna a thawh mek lai hian Pathian kohna chhangin missionary atan a chhuak ta a. A Bible chang inngahna chu I Kor. 1:17 thu, ‘Chanchin Tha puan darh’ pawimawhna hi a ni. Rawngbawla a luh hnu hian hmun hrang hrangah a awm kual a, Home Mission S lamah Chawngte L-ah te, Khawmawiah te, Zawlpuih te a awm hnuin B.Ed. Train-in 1996-ah Aizawl lamah a awm a. Chumi hnuah chuan Zawlpui, Home Mission S-ah te, Salem Boarding leh Marparara, Home Mission North-ah te awm kual leh a ni.

A nat dan: Kum 2009-ah Aizawlah Missionary Training-in a lo chhuak a, Chawlhmun lamah an cheng a. Hetih lai hian a natna hi hmuhchhuah a ni a. June ni 5 2009-ah a âwm ding lam na a ti a, Doctor hnenah in entirin, test hrang hrang neih leh khawla en a nih hnuah July 29 2009 ațangin chemo a la tan a. Kum thar 2010 Jan. 6-a Office hawn ațangin hun eng emaw chen chu nuam lo chung chungin Office a kal ve hram hram a. 29-4-2010-ah a lu na a lo zual tak avangin PC Hospital, Durtlangah CT Scan ațangin a thluakah cancer a țai darh tih hmuhchhuah a ni.

May ni 7 2010-ah Grace Nursing Home-ah refer a ni a, chemo lak chhunzawm zel a ni. January 25, 2011-a CT Scan leh MRI ti lehin a luah thil fel lo a awm tih hmuhchhuah a nih leh avangin Zemabawkah vawi 19 hem a ni a. March 25 2011-a CT Scan, Civil Hospital-a neihah chuan a result a țha vek a. Thla 3 hnuah check up ti lehin July 4-ah CT Scan ațang bawkin a luah thil fel lo a awm tih hmuhchhuah leh a ni a. Chemo thla 3 chhung pek tura tih leh a ni. July ni 29-a a khawsik avang leh a hriatna a buai avangin Grace Nursing Home-ah admit leh a ni a. Aug. ni 8-ah in lama enkawl turin an hawpui leh ta a ni.

A nat chhung zawng hian hmeh hmuh hrehawm pawh nei miah lovin a natna hi lungawi takin a tuar a. In lamah theih ang tawkin, hmangaih takin a nupui fanau leh chhungkhatten an enkawl lain a natna hian zual lam pan zelin, 13-11-2011 Pathianni chawhnu dar 1:10 khân chhungkhat lainate leh a rawngbawlpuite'n kan ui êm êm laiin, a rawng a bawl thin a Lalpa hnenah min lo chawhlsan ta a ni. A kalsan tak a nupui fanaute Lalpan awmpui zel rawh se.

RAMTHAR RAWNGBÄWLNAÄ THILPEK PETUTE (chhonzawmna)

- 213b *Hualtu Kohhran RT Com.*, A tûl apianga hman atan ₹ **2,000**
214. *Durtlang Kohhran Ramthar Com* Arunachal West Field-a
St. Peter's (Likabali) Biak in sak nan ₹ **10,000**
215. *Dawrpui Kohhran Ramthar Comt.* Jharkhand Feild-a
Convention senso atan ₹ **1,00,000**
216. *Kulikawn Kohhran RT Com.* Home Mission South - Parva,
Dursora, Damdep, Tuikawi,. Hmawngbu, Chawngtelui,
Bandiasora, Malsuri, Sumasumi tan **Solar set 9**
217. *Pu R. Lalnunmawia, Electric Veng* Karbi Anglong
Field-a Crusade neih nan ₹ **500**
218. *Pu R. Lalnunmawia, Electric Veng* Lucknow Field-a
Crusade neih nan ₹ **500**
219. *Pu R. Lalnunmawia, Electric Veng* Patna Field-a
Crusade neih nan ₹ **500**
220. *Pu R. Lalnunmawia, Electric Veng* Jharkhand
Field-a Crusade neih nan ₹ **500**
221. *Model Veng Kohhran* Arunachal West Field-a
Laimekuri (Likabali Bial) Biak in tanpui nan ₹ **3,000**
222. *Aizawl Venglai Kohhran Hmeichhia* Arunachal West
Field-a Laimekuri (Likabali Bial) Biak in tanpui nan ₹ **40,000**
223. *Mualpheng Kohhran Tripura Field* Darchawi Biala
Serhmun Kohhran tanpui nan ₹ **5,000**

224. *Tv. R. Lalbiakthanga 3rd IR Bn Assam, A nau R. Lalbiaksanga hriat reng nan* Karbi Anglong Field-a Chokihola Biala Rongmongve Biak in hmun tur lei nan ₹ 1,000
225. *Chhinga Veng Kohhran RT Comt.* Tripura Field-a Kameshwar-a Khualbuk sak nan ₹ 20,000
226. *Chhinga Veng Kohhran Hmeichhia* Tripura Field-a Kameshwar-a Clinicsak nan ₹ 70,000
227. *Mission Vengthlang Kohhran* Arunachal West Field-a Laimekuri (Likabali Bial) Biak in tanpui nan ₹ 30,000
228. *Zotlang Kohhran RT Comt.* Home Mission South Saibawha Chakma Biak in sak tanpui nan ₹ 40,000
229. *Zotlang Kohhran RT Comt.* Lucknow Field-a Crusade neih nan ₹ 25,500
230. *Bung Bungalow Kohhran Hmeichhia* Barak Area-a Borosingha Kohhranin a tûl apianga an hman atan ₹ 1,000
231. *R. Lalrinnungi, Chawnpui Vengthlang* Arunachal West Field-a Bomdila Biala Crusade nein nan ₹ 1,000
232. *Maubawk Kohhran Ramthar Comt.* Arunachal East Field-a New Khamlang Biak in sak tanpui nan ₹ 30,000
233. *Maubawk Kohhran Ramthar Comt.* Arunachal 'E' Field-a Ngechang Biak in sak tanpui nan ₹ 5,000
234. *Maubawk Kohhran Ramthar Comt.* Arunachal 'E' Field-a Ngechang Kohhran khuang lei nan ₹ 3,000
235. *Ramhlun N Kohhran* Arunachal 'E' Field-a Alo Bial Bogne Biak in sak nan ₹ 50,000
236. *Lamzawl Kohhran* Jharkhand Field-a Biak in sak tanpui nan ₹ 1,000
237. *Ngopa Pastor Bial Kohhran Hmeichhia* Jharkhand Field-a Biak in sak tanpui nan ₹ 5,000
238. *Pu R. Lianzuala te chhungkua Khatla* Arunachal 'Tripura Field Karbook Biala Sawngoti Biak in sak nan ₹ 35,000
239. *Ramhlun N Bial Kohhran Hmeichhia* Lucknow Field-a Crusade neih nan ₹ 6,000
240. *Kulikawn Kohhran Hmeichhia* Tripura Field Ganganangar Biala Machhumbir Biak in sak nan ₹ 20,000

241. *Ruantlang Bial Kohhran Hmeichhia* Tripura Field-a
Tuingoi Biak in extend nan ₹ 5,000
242. *Saitual N Kohhran* Jharkhand Field-a Dumka
Pastor Bial Projector lei nan ₹ 5,000
243. *Bawngkawn Kohhran RT. Comt.* Tripura Field-a
Ganganaga Biak in sak nan ₹ 70,000
244. *Durtlang Branch KṚP* Tripura Field-a Tuidu Colony
Biak in sak nan ₹ 10,000
245. *Tv. R.Lalhmachhuana, Teacher, Zohmun Higher Secondary School* Tripura Field-a Darchawi Biak in sak nan ₹ 25,000
246. *Pu Vanlalmuana, Principal, Zohmun Higher Secondary School* Tripura Field-a Darchawi Biak in sak nan ₹ 500
247. *Kolasib Diakkawn Kohhran RT Comt.* Cachar Tlangrama
Luipui Biak in sak tanpui nan ₹ 15,000
248. *Pu H. Laltawna te chhung, Electric Veng, Aizawl.*
Tripura Field Darchawi biala Dumacherra thawktu
quarters sak nan ₹ 15,000
249. *Tachhip Kohhran Ramthar Com.* Nepal Field Kakarvita
Biala Bahundangi Kohhran Biak in sak nan ₹ 3,000
250. *Ramhlun Kohhran Ramthar Com.* Jharkhand Field-a
Biak in sak tanpui nan ₹ 30,000
251. *Mamit hmunsam Kohhran Pavalai H/M 'S'-a*
Vaṭhuampui Biak in sak tanpui nan ₹ 3,000
252. *Vankal Pres. Kohhran* Siliguri Field-a a ṭul apianga
hman atan ₹ 10,000
253. *Kolasib Venglai Kohhran* Lucknow Field Unnao
Biala Tangaon Biak in sak tanpui nan ₹ 50,000
254. *Chanmari Kohhran* Assam Field-a Gwuahati leh
Dibrugarh Outreach-a ken tur Puanin lei nan ₹ 24,000
255. *Chanmari Kohhran* Home Mission South-a Chakma Gospel
Team mamawh Vaikhuan leh PA Set lei nan ₹ 14,000
256. *Chanmari Kohhran* Karbi Anglong Field-a diphu Bial
Tichoimarong Biak in sak nan ₹ 30,000
257. *Chanmari Kohhran* Patna Field-a Temporary
Biak in sak nan ₹ 30,000
258. *Mamit Dinthar* Cachar Tlangrama Telkatta
Kohhran tan **Solar Lantern 1**

259. *Venghlui Kohhran* Barak Area-a Lala Biak in Vestry
sak nan ₹ 47300
260. *Zonuam Kohhran* Karbi Field-a Silonijan Pastor Bial
tan Almirah lei nan ₹ 5,000
261. *Zemabawk North Kohhran* Assam Field-a Sapangou
Biak in ceiling siam nan ₹ 30,000
262. *Zemabawk North Kohhran* Karbi Field-a Silonijan
Kohhran Crusade neih nan ₹ 10,000
263. *Chhinga Veng Kohhran* Jharkhand Field-a Deisal
Karandi, Field Worker in sak nan ₹ 10,000
264. *Bungkawn Kohhran* Arunachal W Field-a
Simenchapori Biak in sak tanpui nan ₹ 30,000
265. *Ramhlun North Bial Kohhran Hmeichhia* Home
Mission North rawngbawlina tanpui nan ₹ 10,000
266. *Ramhlun North Bial Kohhran Hmeichhia* Home
Mission South rawngbawlina tanpui nan ₹ 10,000
267. *Zemabawk Kohhran* Siiguri Field-a Lopchu Biak
ina phah tur Carpet lei nan ₹ 20,000
268. *Keifang Kohhran Ramthar Com.* Jharkhand Field-a
Dumka Bial tan Projector lei nan ₹ 5,000
269. *Aizawl Venglai Kohhran* Karbi Anglong Field-a
Sarihajan Retreat neih tur tanpui nan ₹ 5,000
270. *Keifang Kohhran RT Com.* Arunachal East Field-a Lakla
BialaLungka Kohhran Pulpit leh Lectern siam nan ₹ 15,000
271. *Sevenphul Kohhran* Arunachal East Field-a Kherangkong
Biak in thli tihchhiat siam that nan ₹ 10,000
272. *Aizawl Venglai Kohhran* Arunachal West Field-a
Simenchapori Biak in sak tanpui nan ₹ 10,000
273. *Ramhlun Vengthar Kohhran Ramthar Com.*
Home Mission 'S'-a Khawmawi Kohhran Biak
in thutthleng siam nan ₹ 34,000
274. *Ramhlun Vengchung Kohhran* Arunachal West Field-a
Daporjio Biak in extend nan ₹ 30,000
275. *North Serzawl Kohhran* Nepal Field-a Dangi missionary
Qtrs gate siam nan ₹ 25,000
276. *Electric Veng Kohhran* Arunachal West Field-a
Laimekuri Biak in sak tanpui nan ₹ 10,000

277. *Chhinga Veng Kohhran* Arunachal West Field-a
Laimekuri Biak in sak tanpui nan ₹ 10,000
278. *Hunthar Veng Kohhran RT Com.* Tripura Field-a Karbook
Biala Chondro Hongso Biak in kawngkapui leh
tukverh siam nan ₹ 5,000
279. *Republic Vengthlang Kohhran* Arunachal West Field-a
Simenchapori Biak in sak tanpui nan ₹ 10,000
280. *Zarkawt Kohhran RT Com* Arunachal West Field-a
St. Peter's Biak in sak tanpui nan ₹ 50,000
281. *Reiek Kohhran* Cachar Tlangram Telkatta Biak in
sak tanpui nan ₹ 10,000
282. *Mission Vengthlang Kohhran* Kokatta Field-a Bantra
(Baruipur Bial) Biak in sak tanpui nan ₹ 40,000
283. *Ramthar North Kohhran* Arunachal West Field-a
Simenchapuri Biak in sak tanpui nan ₹ 20,000
284. *Dawrpui Vengthar Kohhran RT Com.* Karbi Anglong Field-a
Diphu Bial Disobai Kohhran Biak in sak nan ₹ 15,000
285. *N. Vanlaiphai Damdawi Veng Kohhran* Jharkhand Field-a
Kathukund Bial tan Generator lei nan leh Bialin a t̃ul anga
an hman atan ₹ 5,000
286. *Darlawn Venghlun Kohhran RT Com.* Home Mission 'N'
Phairuangkai Skul sak lai chhunzawm nan ₹ 15,000
287. *Sateek Kohhran* Lucknow Field-a Rae Bareilly Kohhran
Pastor qtrs sak nan ₹ 15,000
288. *Pu R.Lal̃tanpuia te chhung, Chawnpui Vengthlang*
Arunachal 'W' Field-a Boleng Biala Peking Bote
Biak in sak tanpui nan ₹ 5,000
289. *Chanmari Kohhran* Siliguri Field-a Rohini Biak in
sak nan ₹ 1,50,000
290. *Chanmari Kohhran Dawrpui Vengthar Kohhran RT Com.*
Karbi Anglong Field-a Chokihola Biala Rongmongve
khuaa lo neitute tanpui nan ₹ 15,000
291. *Pu R.Lal̃tanpuia te chhung, Chawnpui Vengthlang* Nepal
Field-a Diktell Crusade pui neih nan ₹ 5,000
292. *Cherhlun Bial Kohhran Hmeichhia* Arunachal 'W' Field-a
Boleng Biala Peking Bote Biak in sak tanpui nan ₹ 2,000

293. *Cherhlun Bial KTP* Arunachal 'W' Field-a Boleng Biala
Peging Bote Biak in sak tanpui nan ₹ 1,500
294. *Luangmual Kohhran* Siliguri Field-a Longuino Biak in
sak tanpui nan ₹ 22,000
295. *Republic Vengthlang Kohhran* Silchar Mizo Biala
Bagbahar Biak in sak tanpui nan ₹ 20,000
296. *Pu R.Lal tanpuia te chhung, Chawnpui Vengthlang*
Tripura Field-a Ganganagar Biala Manufa Biak in
chung tur rangva lei nan ₹ 1,000
297. *Kawlkulh North Kohhran RT Com.* Cachar Tlangram
Telkatta Kohhran Biak in sak tanpui nan ₹ 5,000
298. *Samthang Kohhran* Arunachal 'W' Field-a Laimekuri
(Likabali Bial) Biak in sak tanpui nan ₹ 1,000
299. *Dinthar Kohhran* Cachar Tlangram Manikbond Biala
Langkhanphong Biak in sak nan ₹ 50,000
300. *Dinthar Kohhran* Jharkhand Field-a Solar lantern
6 lei nan ₹ 24,000
301. *Dinthar Kohhran* Luknow Field-a Miranpur Biak
in sak nan ₹ 5,000
302. *Dinthar Kohhran* Manipur Field-a Kumbi Memsaf
Leikai Biak in sak nan ₹ 80,000
303. *Dinthar Kohhran* Patna Field tuichhunchhuah pump/
chekapol siam nan ₹ 15,000
304. *Mission Veng Kohhran* Home Mission 'S' Saibawh
Chakma Fellowship tan **Vaikhuang 1**
305. *Mission Veng Kohhran* Home Mission 'S' Parva Chakma
Kohhran tan **Vaikhuang 1, P.A. set 1**
306. *Mission Veng Kohhran* Jharkhand Field tan Cycle
7 lei nan ₹ 21,000
307. *Mission Veng Kohhran* Patna Field-a Jagatpur Biak
in hmun tur lei nan ₹ 10,000
308. *Mission Veng Kohhran* Tripura Field Noang-a
Pi Zoni thlan siam nan ₹ 25,000
309. *Dam Veng Kohhran RT Com.* Tripura Field-a Darchoi
Biala Komlachhora Biak in sak n nan ₹ 30,000
310. *Luangmual Vengthlang Kohhran RT Com.* Karbi
Anglong Field-a Rongkhelan Biak in sak tanpui nan ₹ 31,000

311. *Dinthar Kohhran Nepal* Field-a Bharatpur Bial
Crusade neih nan ₹ 50,000
312. *Zotlang Kohhran RT Com.* Arunachal 'W' Field-a
Likabali Biak in sak nan ₹ 40,000
313. *Zotlang Kohhran RT Com.* Karbi Field-a Hamren Biala
Rongnikang Biak in sak nan ₹ 40,000
314. *Upa Rothanga-te chhung, Thakthing Veng (An fapa
Thangdingliana hriat reng nan)* Kolkatta Field-a 13
Nambar Sekdelenbil Bashirhat Biak in sak nan ₹ 50,000
315. *Mission Veng Kohhran Hmeichhia* Arunachal 'W' Field-a
Simenchapori skul bang leh chhuat siam nan ₹ 80,000
316. *Chhingchhip Mualpui Kohhran* Tripura Field-a Tuidu
Biala Lokhidon Kohhran Biak in sak nan ₹ 10,000
317. *West Phaileng Bial Kohhran Hmeichhia* Tripura Field
Udaipur Biala Samukhchhora Kohhran tanpui nan ₹ 3,000
318. *Upper Republic Kohhran* Arunachal East Field-a Mayang
Ngechang ringwell siam nan ₹ 25,000
319. *Upper Republic Kohhran* Arunachal West Field-a Boleng
Biala Peking Bote Biak in sak nan ₹ 50,000
320. *Upper Republic Kohhran* Karbi Field-a Silonijan Biala
Bethlehem Biak in sak nan ₹ 40,000
321. *Zarkawt Kohhran RT Com.* Nepal Field Diktel
hmuna crusade neih nan ₹ 80,000

1. Lalpa, i hmangaihna vang hian,
Kan sualte min ngaidam la;
Kum ral ta hre reng lovin,
I thu thuin awm turin min pui la.
Sualnate simin, a tha chu ti turin,
Chutin kan lo pen ngil fo theih nan,
Chutin kan lo pen ngil fo theih nan,
A tawp thlenga i thu zawmin

2. Aw Nang, kan Lalpa leh Pathian,
He kum thar hi malsawm la;
I khawngaihna leh zahngaihna chu,
Kan chungah rawn lantir ang che.
He kum tharah hian, khawvel thil kalsana,
I duhzawng chuah kan tih fo theih nan,
I duhzawng chuah kan tih fo theih nan,
Rilru thar min rawn pe ang che.

(KHB No. 556)

RAMTHAR HOSTEL-A AWM TUMTE TANA HRIAT TURTE

– H. Thanchunga, Warden

- I Hostel Fee, kum khat atan leh thla tina chawi tur, hman lai mek chu hetiang hi a ni:**
- a) Admission Fee mi 1 tan : ₹ 200/- (kum khat atan)
 - b) Medicine fee, '12 atangin : ₹ 100/- (kum khat atan)
 - c) Caution Money (Security) : ₹ 300/- (kum khat atan)
Hei hi session tawpa pek let leh theih a ni.
 - d) Room Rent : ₹ 100/- (Thla tin)
 - e) Light Charge : ₹ 50/- (Thla tin)
 - f) Water charge : ₹ 50/- (Thla tin)
 - g) Mess Fee : ₹ 1000/- (Thla tin)
 - Total : ₹ 1,800/-**
- II Ramthar Hostel-a awm tura thlanten heng a hnuaia thilte hi ken luh tur a ni:-**
- a) Holy Bible leh Kristian Hla bu (mahni ta ngei)
 - b) Tuthlawh/Chemkawm (Hmeichhe tan)
 - c) Chempui (Mipa tan)
 - d) Mutbu (Bedding, thosilen, etc. Cushion/mattress phal a ni lo)
 - e) Chaw ei thleng leh bowl
 - f) Thingpui no (cup)
 - g) Tui no (mug)
 - h) Bucket
 - i) Tui in tur chhawpna (Jug/mug)
 - j) Nihliap
 - k) Emergency Light
 - l) Puan zar chilh behna (clip)
- III Biak ina inkhawmnnaa incheina thawmhnaw**
- a) Pathian Biak ina inkhawmna atan mi pakhat tan kawr/kekawr/puan pahnih theuh
 - b) High Skul naupangte chu hmeichhe tan kawr leh pawnfen hman tur a ni.
 - c) Higher Secondary naupangte chu hmeichhe tan kawr leh puan bih tur a ni.
 - d) Mipa tan Jeans leh kekawr tial nasa lutuk Biak inah hak phal a ni lo.
- IV Hostel chhungah chuan eng lai pawhin hnathawh hun tih lohvah chuan Hostel Uniform hak reng tur a ni.**

SYNOD BOOKROOM BOOKNEWS

Postal Regn. No. MZR/46/2012-2014
RNI Regn. No. 40889/88

1. Ka thlarau zawkin le : Kan rawngbawltu senior-te zinga mi, Rev. Dr. Lalsawma chuan sermon 18 lai taksa chak lo tak chungin min rawn chhawpchhuahsak leh ta. Hnama min siamtu kan Pathian hian Amah hrechang loa kan bo a phal loh vanga he lehkhahu hi min rawn pek niin a ziaktu hian a ngai a ni. Aman Rs. 100/-

2. Muslim pachal hmachhawn rawh le : Ramthar lam rawngbawlna hmangin Muslim-te kan hmelhriat ta hle a. Muslim zingah Chanchin Tha kan hril duh a nih chuan anmahni ze bil (Culture), an nunphung (Society) kalhmang leh an sakhaw inzirtir dan hriat chian hmasak ve phawt a ngai a. Chumi Chiang taka min hrilh thei lehkhahu, anmahni luhchilh meuha hrechiangtu Evan. Lalramzauva Ralte buatsaih hi Muslim hruaikhawm duhna rilru pute tan neih ngei chi a ni e. Aman ` 120/-

3. Fianrial : Tunlaiin kan ramah Kristian Chhungkaw Committee-te hmalakna avangte pawh a ni ang e, ni tin Chhung Inkhawm kan uar tial tial a. Hemi atana hman tur lehkhahu ziaak thin Rev. K. Lalpiangthara chuan lehkhahu thar; dangdai leh tha zet mai a rawn tichhuak thar leh ta. Rs. 100 man a nie.

From :
Manager
Ramthar, Synod Office
Aizawl - 796 001,
Mizoram, India
phone : 2325899

RAMTHAR
(Mission)

To

*Printed & Published by Rev. Lalchhuanmawia and Printed at the
Synod Press, Aizawl on behalf of Ramthar Association,
Aizawl, Mizoram. Copies - 23,500*

Visit us : www.mizoramsynod.org